

Visoki predstavnik apelira da se postigne dogovor o reformi policije kako bi BiH ušla u Evropu

Konačni ishod pregovora između vodećih političkih stranaka u BiH o reformi policije, koji počinju u nedjelju, "otvorit će vrata BiH ka budućnosti, ili će ih zatvoriti", rekao je danas visoki predstavnik, Paddy Ashdown, u svome obraćanju Narodnoj skupštini Republike Srpske.

"Postoje dvije mogućnosti: svjetla budućnost ili mračna budućnost", rekao je visoki predstavnik. "Članstvo u Evropskoj uniji jedina je budućnost koja Bosni i Hercegovini nudi prosperitet, sigurnost i stabilnost. Možete izabrati ovu opciju ako želite. Međutim, postoji i mračna opcija. Možete se odlučiti i za tu opciju."

Ukoliko političke stranke ne uspiju postići dogovor u kojem će se ispoštovati tri ključna principa koja je utvrdila Evropska komisija – isključive nadležnosti za policiju na nivou BiH, ali operativna kontrola na lokalnom nivou; policijska područja organizirana na principu operativne efikasnosti, a ne političke kontrole; nema političkog uplitanja u rad policije – u tom slučaju, upozorio je visoki predstavnik, BiH će biti jedina zemlja koja će ostati izolovana, dok će ostatak Balkana krenuti na put ka Evropi. Ta je prijetnja posebno izražena, dodao je visoki predstavnik, obzirom da je Evropska komisija pristala da započne pregovore o stabilizaciji i pridruživanju sa Srbijom i Crnom Gorom.

Visoki predstavnik je istaknuo kako su ostale još samo četiri sedmice do donošenja odluke Evropske unije o otvaranju pregovora o stabilizaciji i pridruživanju sa BiH. Nema vremena

za gubljenje.

“U narednih nekoliko sedmica, kada budete odlučivali o reformi policije, odlučivat ćete zapravo o tome da li ćete, uporedo sa Srbijom i Crnom Gorom, krenuti putem koji vodi prema Evropi – ili ćete zajedno sa ostatkom BiH ostati odsječeni, izolovani, i ostavljeni izvan svih tokova. Ostat ćete jedina zemlja na Balkanu izolovana od Europe. To je vaš izbor. I dozvolite da vas upozorim. Još jedna ovakva prilika neće vam se uskoro pružiti.”

Visoki predstavnik još je jednom naglasio da su ključni evropski principi nepromjenjivi. Evropska unija neće mijenjati svoja pravila kako bi primila BiH. “Ako BiH ne promijeni ono što je potrebno kako bi ispoštovala pravila Evropske unije, BiH će ostati izvan Europe.”

Ukoliko se ne postigne sporazum o reformi policije, rekao je visoki predstavnik, “neće biti novih radnih mesta, neće biti stranih ulaganja, neće se moći putovati u strane zemlje, neće prestati odlazak vaših najmlađih, najpametnijih i najboljih – koji ovdje ne vide nikakvu budućnost; neće doći do promjene velike prisutnosti međunarodne zajednice u ovoj zemlji, čiji zadatak će biti ne da vam pomogne da krenete dalje, nego da vas spriječi da idete natrag i da stvarate nestabilnost u regiji koja polako skreće sa puta ka Evropi.”

Visoki predstavnik je naglasio «da ne postoji nikakav skriveni plan u reformi policije», te je jasno stavio do znanja «da ne postoji nikakva urota da se, tajnim sredstvima, otvori pitanje ustavne reforme. To nije napad na Republiku Srpsku. Nema pokušaja da se ukinu entiteti. To ne znači da se MUP RS mora ukinuti. To ne uključuje oduzimanje prava demokratski izabranih institucija BiH da vrše nadzor nad radom policije. To ne predstavlja napad na pripadnike policije BiH».

Ali visoki predstavnik je također naglasio da «nije samo u pitanju Europa. U pitanju je ono što vaši građani žele i šta

im je potrebno». Građani BiH, rekao je visoki predstavnik, žele zamijeniti vladavinu kriminalaca vladavinom prava.

Visoki predstavnik je izjavio da je najvažniji cilj reforme da se policiji daju sredstva koja su joj potrebna kako bi svoje poslove obavljala kako treba – pristojne plate, bolja oprema, i isti uslovi na cijeloj teritoriji zemlje za borbu protiv kriminala.

Visoki predstavnik je podsjetio poslanike Narodne skupštine Republike Srpske da 79 procenata građana RS žele da se BiH priključi Evropskoj uniji i da više od polovine njih podržavaju uspostavljanje policijske strukture na državnom nivou ukoliko to znači da će BiH stići u Evropu. Evidentnih 59 procenata građana RS misle da kriminalci imaju više uticaja na političare nego obični građani, and 77 procenata građana kažu da policija mora činiti više u borbi protiv kriminala.

Cjelokupan tekst obraćanja visokog predstavnika se može naći na web stranici OHR-a.